

INUIT ATAQATIGIIT

INATSISARTUNI



Nuuk, 22. august 2014

UKA 2014/37

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiupparput:

Naalakkersuisut Inatsisartullu qanoq ICC-p aasaq manna ataatsimeersuarnerani inaarutaasumik nalunaarusiaani Kitigaaryunnit Nalunaarummi anguniagassatut allattorsimasut anguneqarsinnaanissaannut suleqataasinnaanersut pillugu oqallissiatut siunnersuut.

(Inatsisartunut ilaasortat Sara Olsvig aamma Mimi Karlsen, Inuit Ataqatigiit)

Tunngavilersuut:

Inuit Issittormiut Siunnersuisoqatigiiffiata ataatsimeersuarnerani, Inuvimmi Canadami ulluni 20.-24. juli 2014 pisumi Kitigaaryunnit Nalunaarut ukiuni tulliuttuni sisamani anguniagassanik imalik akuerineqarpoq. Soorunami anguniakkat taakkua piviusunngortinnissaat tassaanerupput ICC-p Chukotkami, Alaskami, Canadami Nunatsinnilu immikkoortortaqarfisa suliassarisaat nalunaarulli Naalakkersuisunit Inatsisartuniillu suleqataaffigineqarsinnaaluartunik aamma imaqarpoq, Nunatta, Issittup naggueqatigiillu Inuit ataatsimut iluaqtigisssaanik.

Assersuutigalugu ICC-p ukiuni tulliuttuni anguniagassatut aalajangiuppa uumasunik iluaqteqarniarnermik aqutsineq pillugu ataatsimeersuartoqassasoq (Kitigaaryunnit Nalunaarummi imm. 40), ilinniartitaaneq pillugu immikkut ilisimasalinik ilinniartitaanermillu suliaqartunik Issittumi ataatsimeersuartoqassasoq (imm. 43), aningaaarsorsorneq pillugu Inuit Issittormiut Ataatsimeersuarneranik inuussutissarsiornikkut suleqatigiinnerulernissaq pillugu aaqqissuussisoqassasoq (imm. 27), attaveqaqatigiinnikkut suliaqartut akornanni suleqatigiinneq siuarsarneqassasoq Inuillu akornanni attaveqaqatigiinneq annertusarneqassasoq (imm. 41), ilisimatuussutsikkut suliniutini nalunaarusianilu aalajangiiniartarnernilu ilisimasatoqqat iluaqtiginiarnissaat ilungersunneqassasoq (imm. 46) kiisalu angallannikkut attaveqaatinik pitsasunik pilersitsinikkut naggueqatigiit Inuit akornanni inuiaqatigiit peq-qissut siuarsaasoqassasoq (imm. 32). Aammattaaq inassutigineqarpoq Inuit Nunaanni assigiinngitsuni aangajaarniutit akiorniarneqarnissaat naalakkersuinikkut suliarineqassasoq (imm. 30).

Taakkartorneqartut Kitigaaryunnit Nalunaarummi anguniagassatut allattorsimasut ilaattut assersuutaannaapput.

Oqallinnermi Inatsisartut Naalakkersuisullu qanoq Inuit Chukotkameersut, Alaskameersut, Canadameersut Nunatsinneersullu suleqatigiilluarnerunissaannik angusaqarnissatsinnut iliuuseqarsinnaanersut sammitikkumavarput. Tamatumma saniatigut Issittoq akimorlugu ilisimasat misittakkallu Nunatsinnut iluaqtaasinnaasut illuatungaatigullu Nunatsinni ilisimasat misilittakkallu Issittup sinneranut siamarneqarsinnaanersut siammassisumik oqallisitikkumavarput.

Nuannersumik pissarsinartumillu oqalliseqataanissarput Inuit Ataqatigiinnit qilanaaraarput.